

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinski načelnik



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општински начелник

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06, 51/09), člana 69. Statuta Općine Centar Sarajevo ("Službene novine Kantona Sarajevo" broj: 23/04), člana 5. Odluke o načinu odabira projekata nevladinih organizacija po LOD metodologiji („Službene novine Kantona Sarajevo", br. 6/26 i 10/26), član 14. Odluke o izvršavanju Budžeta Općine Centar Sarajevo za 2026. godinu (Službene novine Kantona Sarajevo, broj: 52/25) i Odluke o pokretanju postupka javnog poziva, broj: 13-11-2668/26 od 06.04.2026. godine, Općinski načelnik raspisuje:

**JAVNI POZIV NEVLADINIM ORGANIZACIJAMA/ORGANIZACIJAMA CIVILNOG
DRUŠTVA ZA PREDAJU PRIJEDLOGA PROJEKATA KOJI ĆE BITI
FINANSIRANI/SUFINANSIRANI IZ BUDŽETA OPĆINE CENTAR SARAJEVO U 2026.
GODINI**

I CILJ PROJEKTA

Opći cilj prijedloga projekata koji se mogu predati u okviru Javnog poziva je jačanje partnerstva između nevladinih organizacija/organizacija civilnog društva (u daljem tekstu: organizacije) i Općine Centar Sarajevo izgradnjom svijesti o korisnosti međusobne saradnje i podsticanje održivog dijaloga, a sve u cilju pružanja boljih usluga u lokalnoj zajednici.

Sredstava koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti subjekata koji obavljaju ekonomsku djelatnost na tržištu.

Ukoliko se, u postupku ocjene i dodjele sredstava, utvrdi da finansiranje određenog projekta predstavlja državnu potporu (ili de minimis pomoć), sredstva će se dodijeliti u skladu sa relevantnim propisima o državnoj potpori, uključujući pravila o potporama male vrijednosti (de minimis).

U skladu sa navedenim, podnosioci zahtjeva koji dostave potvrdnu izjavu o statusu sa stanovišta primjene propisa o de minimis pomoćima, dužni su dostaviti i propisani obrazac Izjave o primljenim de minimis pomoćima.

II FINANSIJSKA SREDSTVA

Ukupno planirana sredstva za ovu namjenu u Budžetu Općine Centar Sarajevo u 2026. godini (na ekonomskom kodu 614311-53) iznose 100.000,00 KM.

Iznos sredstava koji se može predložiti za finansiranje projektnog prijedloga je od 5.000 KM do 15.000 KM.

Općina Centar Sarajevo zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadate kriterije.

Komisija za ocjenu i odabir projekata zadržava pravo predložiti racionalizaciju budžeta ili aktivnosti predloženih projektnih prijedloga kroz odluku o uslovnom odobrenju. To podrazumijeva uklanjanje ili smanjene nerealno procijenjenih aktivnosti i troškova, uz uslov da se time ne ugrožava realizacija projekta ili postizanje ciljeva.

III PRIORITETNE OBLASTI I TEME NA KOJE SE POZIV ODNOSI

Podnosioci zahtjeva mogu dostaviti prijedloge projekata koji su u skladu sa strateškim ciljevima Općine Centar Sarajevo iz sljedećih prioriternih oblasti:

NEFORMALNO OBRAZOVANJE

- 1.1. Prevencija ovisnosti kod djece i mladih školskog uzrasta (kocka, nargila, video igrice, virtualna ovisnost isl.);
- 1.2. Sprečavanje korištenja opojnih droga i podizanje svijesti o zloupotrebi opojnih droga;
- 1.3. Unapređenje znanja i sticanja osnovnih vještina prve pomoći kod učenika završnih razreda osnovnih škola i učenika svih razreda srednje škole;
- 1.4. Jačanje psihološke podrške roditelja djece sa invaliditetom/poteškoćama u razvoju;
- 1.5. Jačanje preventivnih mehanizama i sistema podrške u zaštiti žena i djevojčica od seksualnog nasilja;
- 1.6. Edukacija mladih o uzrocima, posljedicama i prevenciji femicida i rodno zasnovanog nasilja.

MLADI

- 2.1. „Škola životnih vještina“, sa fokusom na osnaživanje mladih kroz razvoj komunikacijskih vještina, javnog nastupa i finansijske pismenosti;
- 2.2. Prevencija vršnjačkog i cyber nasilja te zaštita mentalnog zdravlja mladih – podizanje svijesti o pojavama koje negativno utiču na mentalno zdravlje, jačanje sigurnosti mladih u digitalnom i stvarnom okruženju te organizovanje radionica za prepoznavanje različitih rizičnih ponašanja;
- 2.3. Jačanje i promocija kulturnog identiteta nacionalnih manjina u Bosni i Hercegovini kroz ples i kulturno-umjetničko stvaralaštvo.

KULTURA

- 3.1. Međugeneracijska saradnja kroz raznolikost kulturnog sadržaja;
- 3.2. Teatar za promjene – kroz govor o problemima mladih uključujući prevenciju nasilja, suzbijanje diskriminacije i jačanje otpornosti na vršnjačke i društvene pritiske;
- 3.3. Kultura kao prostor promocije rodne ravnopravnosti i društvene inkluzije.

ZAŠTITA OKOLIŠA

- 4.1. Projekti koji promovišu zaštitu životinja i edukuju stanovništvo o humanom zbrinjavanju, udomljavanju i rješavanju problema napuštenih životinja;
- 4.2. Razvoj ekološke svijesti kod djece i mladih kroz aktivnosti sadnje drveća, cvijeća i uređenje školskih i parkovnih površina;
- 4.3. Edukacija učenika kroz urbanu poljoprivredu i održivi razvoj hrane u školskim vrtovima/plasticima.

SPORT

- 5.1. Inkluzija osoba sa invaliditetom i osoba sa poteškoćama u razvoju, te međugeneracijsko učenje, kroz organizovanje sportskih aktivnosti, radionica i programa koji promovišu inkluziju i ravnopravnost;
- 5.2. Jačanje rodne ravnopravnosti u sportu kroz intersekcionalni pristup, istraživanje, edukaciju, praktične aktivnosti i zagovaranje;
- 5.3. Revitalizacija i popularizacija tradicionalnih igara (klikeri, guma/lastika, školske igre isl.) među djecom i mladima.

IV PRAVO NA DODJELU SREDSTAVA

Pravo na dodjelu sredstava, putem ovog Javnog poziva, mogu ostvariti organizacije:

- a) koje su osnovane i registrovane u BiH,
- b) koje vode državljani BiH,
- c) koje svoje aktivnosti realizuju na području Općine,
- d) čiji su projekti namijenjeni građanima Općine,
- e) čiji se projekti odnose na strateške oblasti koje je Općina odredila kao prioritete,
- f) koje ne obavljaju aktivnosti u ime političkih partija.

Aplikant može predati više od jednog projektnog prijedloga sa odvojenim prijavnim formularima i dokumentacijom za svakog od njih, a finansirat će se samo jedan uspješno ocijenjen i odabran projekat, u toku 1 (jedne) godine.

V MJESTO IMPLEMENTACIJE I DUŽINA TRAJANJA PROJEKTA

Projekti moraju biti implementirani isključivo na području Općine Centar Sarajevo, osim aktivnosti za koje ne postoje pretpostavke (uslovi) da se odvijaju na teritoriji Općine, a čija su ciljna grupa građani Općine Centar Sarajevo.

Trajanje svakog projekta ne može biti kraće od tri mjeseca niti duže od šest mjeseci, a izabrani projekti trebaju biti realizovani najkasnije do 31.12.2026. godine.

Potpisivanje ugovora sa odabranim aplikantima očekuje se u toku mjeseca maja 2026. godine, te će aplikanti u skladu sa tim i planirati početak realizacije svojih projekata.

Neće se finansirati aktivnosti odobrenog projekta koje su provedene prije zaključivanja ugovora.

VI PREUZIMANJE DOKUMENTACIJE

Dokumentacija i informacije vezane za prijavu na Javni poziv za Općinu Centar Sarajevo može se preuzeti sa službene web stranice Općine www.centar.ba.

VII POTREBNA DOKUMENTACIJE

Prijava na javni poziv podnosi se u pisanoj formi, na obrascima koji su sastavni dio ovog Javnog poziva, i sadrži:

- projektni prijedlog,
- pregled budžeta i plan potrošnje,
- logički okvir rada,
- plan aktivnosti i promocije,
- administrativni podaci o aplikantu,
- finansijska identifikaciona forma,
- izjava o podobnosti,
- izjava o partnerstvu.

Uz prijavu su kandidati dužni dostaviti slijedeću dokumentaciju:

- Izvod iz Registra udruženja/fondacija za aplikanta i partnera ako postoji (original ili ovjerena kopija) ne stariji od 6 mjeseci sa ovjerenim kopijama Statuta udruženja/fondacija,
- identifikacijski broj,
- opisni izvještaj o realizovanim projektima za prethodnu godinu za ranije osnovane organizacije, odnosno program rada za tekuću ili narednu godinu za novoosnovane organizacije,
- uvjerenje o izmirenim poreskim obavezama (original ili ovjerena kopija poreske uprave),
- uvjerenje o izmirenim doprinosima za zaposlene, ako ima zaposlenih u organizaciji (ako nema zaposlenih, priložiti izjavu da nema zaposlenih),
- završni godišnji finansijski izvještaj za prethodnu godinu (bilans stanja i bilans uspjeha), osim ako je udruženje registrovano u godini objavljivanja Javnog poziva,
- kraću biografiju osoba koje će biti angažovane za realizaciju projektnih aktivnosti,
- dokaz o obezbijeđenim sredstvima drugih donatora (ukoliko se projekat sufinansira).

VIII POSTUPAK DODJELE SREDSTAVA

Prijave na javni poziv razmatra Komisija za ocjenu i odabir projekata koju će rješenjem imenovati Općinski načelnik.

Neće se razmatrati projektni prijedlozi nevladinih organizacija koji:

- udruženja koja nisu izvršila svoje obaveze po ranije odobrenim projektima finansiranim iz budžeta Općine,
 - s nepotpunom dokumentacijom i dostavljene izvan predviđenog roka,
 - koji se odnose isključivo na jednokratne manifestacije, osim u slučajevima kada su dio trajnijeg i sveobuhvatnijeg projekta, odnosno projekti koji se odnose na povremene konferencije, osim ako su neophodne za uspješnu implementaciju projekta,
 - koji se odnose na finansiranje redovnih aktivnosti podnosilaca projektnog prijedloga ili njihovih partnera,
-

- koji se baziraju na investicionim ulaganjima, adaptaciji ili izgradnji kapitalnih objekata, odnosno kupovini opreme, osim ako je neophodna za uspješnu implementaciju projekta,
- kojim je predviđen dio administrativnih troškova (kategorija 1., 2. i 3. iz pregleda budžeta-Aneks 2) veći od 20% od ukupnih troškova projekta,
- koji predstavljaju individualna sponzorstva/stipendije za školovanje ili za učestvovanje u radionicama, seminarima, konferencijama, kongresima, trening kursovima i sl.
- koji su usmjereni prema finansiranju aktivnosti političkih stranaka,
- koji su namijenjeni za isključivu dobit pojedinca,
- koji se zasnivaju na dodjeljivanju sredstava trećoj strani,
- koji na bilo koji način diskriminiraju određenu grupu ili pojedinca.

Komisija za ocjenu i odabir projekata će u roku od 30 dana od dana zatvaranja javnog poziva sačiniti preliminarnu listu o dodjeli sredstava organizacijama za finansiranje/sufinansiranje projekta koja će nakon verifikacije od strane Općinskog načelnika, biti objavljena na web stranici. Svaki član Komisije će biti isključen iz postupka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

Organizacije mogu u roku od 8 dana od dana objavljivanja preliminarne liste podnijeti pismeni prigovor Komisiji za razmatranje prigovora, koju će posebnim rješenjem imenovati Općinski načelnik, a koja će u istom roku od dana njegovog podnošenja odlučiti o istom.

Odluka o dodjeli sredstava objavljuje se na web stranici Općine Centar Sarajevo.

Nakon usvajanja Odluke, Općinski načelnik će sa korisnicima budžetskih sredstava sklopiti ugovore kojima će se detaljno odrediti prava i obaveze ugovorenih strana.

IX TRAJANJE JAVNOG POZIVA I NAČIN PODNOŠENJA ZAHTEVA

Tražena dokumentacijom dostavlja se u jednom (1) primjerku u štampanoj formi u zatvorenoj koverti, sa naznakom „Za Javni poziv za realizaciju nevladinim organizacijama/organizacijama civilnog društva za predaju prijedloga projekata koji će biti finansirani/sufinansirani iz Budžeta Općine Centar Sarajevo u 2026. godini - Ne otvarati prije zvaničnog otvaranja“, preporučenom poštom ili na protokol Općine od ponedjeljka do petka, na adresi ulica Mis Irbina 1, 71 000 Sarajevo.

Rok za predaju aplikacija je **27.04.2026. godine**. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Svi aplikanti koji su predali prijedloge projekata, koji su prihvaćeni ili odbijeni, će biti obaviješteni o odluci u vezi sa njihovim prijedlogom projekta u roku od 15 dana od dana donošenja Odluke o dodjeli sredstava.

Zainteresirane organizacije detaljne informacije o načinu pisanja, predaje i bodovanja projekata, te druge relevantne podatke mogu pronaći u Smjernicama za podnosiocima projektnog prijedloga u okviru Javnog poziva.

Pitanja po Javnom pozivu mogu se uputiti na e-mail: nvo@centar.ba.

NAPOMENA:

Informativni sastanak sa zainteresovanim organizacijama održati će se dana 23.04.2026. godine u terminu od 12,00 do 13,00 sati u prostorijama Općine Centar Sarajevo, sala 205/II sprat (Mis Irbina 1).

Broj: 13-11-2668-1/26
Sarajevo, 06.04.2026. godine



Općinski načelnik

Srećko Mandić